

rakau pai ano hei wahie. He rakau ngawari hoki ki te whakatipu, he hohoro ki te tipu. Kei Waikato a kei te Waipounamu kua tu etahi mira hei kani i tenei momo rakau, ka wha-tekau nga tau o te whakatonga iho.

- (b) *Cupressus Macrocarpa*. E kiia ana he rakau pai tenei hei poohi taiapa. Kia ahua piri tonu te tu ara kia wha putu te tatahi, kia kawhaki whakarunga ai te tipu a te rakau, he rakau kaupeka hoki.

E taea ano hoki tenei me te paina te whakatipu e te tangata, me rui a purapura, a kia pakeke ka ranga ai ki nga wahi pumau hei tuunga.

- (c) Ko nga momo purukamu (*Eucalyptus*) o Ahi tereria he maha noa atu. Kua tirohia e nga tohunga nga momo e tika ana mo enei motu ara koia enei:—

Eucalyptus paniculata (Ironbark)

Eucalyptus eugenioides (Stringybark)

Eucalyptus regnans

Eucalyptus fastigata

Eucalyptus Muelleriana

Hei muri ake nei te nuinga o nga whakamarama mo te ahua o enei momo rakau, te ahua o te whakatipu me nga mahi e rite ana ma ia momo ma ia momo

- (d) *Sequoia sempervirens* (Californian redwood)
Ko tetahi tenei o nga rakau nunui o te ao, ko tona kainga kei Amerika. E rite ana mo nga mahi whare penei i te kauri i te rimu.

(e) *Pseudotsugo Douglasii* (Oregon Pine). Ko tenei rakau kua tangata whenuatia ki enei motu. E rite ana mo nga mahi katoa o te whare. Kua whanui te whakatipu a nga tangata mahi paamu i tenei momo rakau, he hohoro ki te tipu. I tona ake whenua i Amerika e tae ana ki te toru rau putu te tiketike. Tena ia kei a Te Arawa kei nga tangata e mahi ana i nga paamu rakau a te Kawanatanga i te Whakarewarewa ahu atu ki Waiotapu nga tino whakamarama pai kia tata mo tenei putake korero.